

時有比丘搔隱處不淨出生疑問佛佛言汝以何心答言始末無有出意佛言無犯若欲出而出僧伽婆尸波欲出不出偷羅遮以暖水浴向火炙不淨出皆如是有比丘憶行欲事不淨出生疑問佛佛言汝以何心答言我憶行欲事不淨自出佛言不犯憶行欲事矣

吉羅有比丘故以形振衣出不淨謂不犯僧伽婆尸沙問佛佛言如是比丘出不淨僧伽婆尸沙不出偷羅遮有比丘於女像邊出不淨生疑問佛佛言若出不淨僧伽婆尸沙不出偷羅遮

十三末

時有比丘以肘築女人身復有比丘以鉢鈎牽女人生疑問佛佛言皆犯偷羅遮若提其衣牽提其繩杖亦如有比丘女人在牀上船車上樹上欲心搖之生疑問佛佛言若如是皆犯偷羅遮
時有女人著青衣比丘見語言姊妹汝許青生疑問佛佛言犯偷羅遮若如是因形而作

惡語皆如是時有夫婦共鬪不和合比丘往和合之生疑問佛佛言若夫婦義已離和合者僧伽婆尸沙若未離無犯

彌沙塞部五分律卷第二十八 和八
黜丑律 數與胡教 同反 樵自 歧股 下渠 古反 抄

林反 教嬰 一孩 盈反 嬰反 憊去 軋直 緣緣 搔刀 形
振下 耕反

彌沙塞部五分律卷第二十九 和九

宋罽賓三藏佛陀什共竺道生譯

第五分之八毗尼法

尔時世尊還歸舍夷至迦維羅衛城上尼拘類樹下淨飯王出迎遙見世尊容顏殊特猶若金山前禮佛足而說偈言

一

生時相師記 我聞致初敬 樹傾時誓首
道成今三禮

說此偈已却坐一面佛為說種種妙法乃至
見法得果從座起偏袒右肩胡跪合掌白佛
言世尊願與我出家受具足戒佛即觀之見
王出家更無所得便白王言莫放逸次第自

當得此妙法於是求受三歸五戒受五戒已
佛更為說種種妙法示教利喜還歸所住王
歸宮已庭中三唱若欲於如來正法律中出
家者聽時摩訶波闍波提瞿曇彌聞王此唱
即與五百釋女前後圍遶持二新衣出到佛
所頭面禮足白佛言世尊我自織此衣今以

奉上願垂納處佛言可以施僧得大果報復
如上白佛言可以施僧我在僧數復如上白
佛言我受一以一施僧然後受教施佛及僧
瞿曇彌復白佛言願聽女人於佛正法出家
受具足戒佛言止止莫作是語所以者何往
古諸佛皆不聽女人出家諸女人輩自依於

佛在家剃頭著袈裟衣勤行精進得獲道果
未來諸佛亦復如是我今聽汝以此為法瞿
曇彌如上三請佛亦如上三不聽許於是瞿
曇彌便大啼哭禮足而歸

佛從迦維羅衛與大比丘眾千二百五十人
與遊行人聞瞿曇彌與五百釋女自共剃頭

著袈裟啼泣隨後恒於世尊宿處而宿佛漸
遊行到舍衛城住於祇桓瞿曇彌及五百釋
女泣涕在門阿難晨出見其如此即問其故
荅言大德世尊不聽女人出家受具足戒我
等是以自悲悼耳願為啓白令得從志阿難
即還頭面禮足具以白佛佛止阿難亦如上

說阿難復白佛言佛生少日母便命終瞿曇
彌乳養世尊至于長大有此大恩如何不報
佛言我於瞿曇彌亦有大恩其依我故識佛
法僧而生敬信若人依善知識識佛法僧生
信敬者於彼人所若衣食醫藥盡壽供養所
不能報阿難復白佛言女人出家受具足戒

和九

二

能得沙門四道果不佛言能得阿難言若得四道世尊何為不聽出家受具足戒佛言今聽瞿曇受八不可越法便是出家得具足戒何謂八比丘尼半月應從比丘眾乞教誡人比丘尼不應於無比丘處夏安居比丘尼自恣時應從比丘眾請三事見聞疑罪式又

摩那學二歲戒已應在二部僧中受具足戒比丘尼不得罵比丘不得於白衣家說比丘破戒破威儀破見比丘尼不應舉比丘罪而比丘得呵比丘尼比丘尼犯麤惡罪應在二部僧中半月行摩那埵半月行摩那埵已應各二十僧中求出罪比丘尼雖受戒百歲故應禮拜起迎新受戒比丘阿難受教即出語瞿曇彌汝諦聽我說佛所教瞿曇彌更整衣服遙禮佛足長跪合掌一心而聽阿難具說如上瞿曇彌言猶如年少男女淨潔自喜沐浴身體著新淨衣有人惠與瞻婆華髮婆師華髮優鉢羅華髮阿提多伽華髮其人歡喜

兩手捧取舉著頭上我今頂受世尊法教亦後如是復白阿難願更為我入白世尊云我已頂受八法於八法中欲乞一願願聽比丘尼隨大小禮比丘如何百歲比丘尼禮新受戒比丘阿難復為白佛佛告阿難若我聽比丘尼隨大小禮比丘者無有是處女人有五

和九

三

礙不得作天帝釋魔天王梵天王轉輪聖王三界法王若不聽女人出家受具足戒佛之正法住世千歲今聽出家則減五百年猶如人家多女少男當知其家衰減不久又告阿難若女人不於我法出家受具足戒我般泥洹後諸優婆塞優婆夷當持四供隨比丘後白言大德憐愍我受我供養若出家見便當牽臂言大德於我有恩乞暫過坐使我獲安居道路相逢皆當解髮拂比丘足布令踏上今聽出家此事殆盡阿難聞已悲恨流淚白佛言世尊我先不聞不知此法求聽女人出家受具足戒若我先知豈當三請佛告阿難

勿復啼泣魔蔽汝心是故尔耳今聽女人出家受具足戒應當隨順我之所制不得有違我所不制不得妄制阿難即出具以佛教語瞿曇弥瞿曇弥歡喜奉行即成出家受具足戒復白阿難此五百釋女今當云何受具足戒願更為白阿難即以白佛佛言即聽波闍

波提比丘尼為作和尚在比丘十眾中白四羯磨受具足戒聽一時羯磨三人不得至四既受戒已摩訶波闍波提比丘尼與五百比丘尼俱到佛所頭面禮足白佛言世尊我等云何著衣佛言如比丘法又白云何食荅言聽乞食又白云何布薩荅言聽別布薩半月

從比丘僧乞教誡人又白云何結安居荅言聽於屋下結三月安居又白云何自恣荅言聽別自恣往比丘僧中請見聞疑罪又白云何受迦絺那衣荅言白二羯磨四月日受又白云何畜皮革屣荅言聽作行來革屣又白云何減諍佛言聽以七減諍法減四事諍尔

時諸比丘尼不先授弟子二歲戒便授大戒愚癡無知不能學戒以是白佛佛言不應尔犯者突吉羅應如是先授二歲不得殺生二歲不得偷盜二歲不得姪二歲不得妄語二歲不得飲酒二歲不得非時食

和九

四

何以是白佛佛以是事集二部僧告諸比丘聽二部僧白四羯磨與彼比丘尼半月摩那埵彼比丘尼應到僧中偏袒右肩脫革屣禮二部僧足白言大德僧聽我某甲比丘尼媒嫁犯僧伽婆尸沙罪今從僧乞半月摩那埵願僧與我半月摩那埵如是三乞應一比丘

唱言大德僧聽此某甲比丘尼媒嫁犯僧伽婆尸沙罪從僧乞半月摩那埵僧今與半月摩那埵若僧時到僧忍聽白如是大德僧聽此某甲比丘尼媒嫁犯僧伽婆尸沙罪從僧乞半月摩那埵僧今與半月摩那埵誰諸長老忍默然不忍者說如是三說僧已與某甲

比丘尼半月摩那埵竟僧忍默然故是事如是持僧既與行摩那埵應晨起掃灑比丘尼住處諸房泥治壁地應有水處皆取令滿諸有可作皆應作之若客比丘尼來比丘尼去皆應白又應將一比丘尼爲伴至比丘尼住處若有可作皆應如上作之若客比丘尼來若比丘

去亦皆應白日欲暮還比丘尼住處如是半月行已於二部僧各二十人中求出罪羯磨如比丘法

時諸比丘尼不禮比丘無人教誡愚癡無知不能學戒以是白佛佛訶責言我先說八不可越法百歲比丘尼禮新受戒比丘云何於

和九

十

今而不敬禮訶已告諸比丘從今聽諸比丘隨次禮上座諸比丘尼禮一切比丘亦隨次自相禮式又摩那禮一切比丘比丘尼亦隨次自相禮沙弥亦如是沙弥尼禮一切比丘比丘尼式又摩那沙弥亦隨次自相禮有比丘尼在高處禮下處比丘或在比丘後或於

傍邊禮或手捉或膝著地禮以是白佛佛言皆不應尔聽比丘尼去比丘不近不遠合掌低頭作是言和南

時諸比丘尼髮長佛言應求女人剃之若無女人聽使男子但不得獨不得令捉有餘比丘尼伴爲捉然後使剃

時諸比丘尼從比丘尼受經誦不能得復有一比丘尼從比丘尼受一波羅提木又多日不能得後從比丘尼受即得以是白佛佛言聽比丘尼從比丘尼受經若經中有麁惡語聽書授若不知書聽隔障授若無障隔聽相背授有諸比丘尼與比丘共布薩見比丘犯罪便

欲舉之以是白佛佛言比丘尼不得共比丘布薩應半月請一比丘令從比丘僧乞教誡人諸比丘不肯爲乞佛言聽比丘尼爲作供養鉢囊漉水囊腰繩香油前食後食或未布薩爲白或已布薩乃白佛言不應尔應於唱說不來諸比丘欲清淨時從坐起在前立白

言大德僧聽其精舍和合比丘尼僧頂禮和合比丘僧足乞教誡人若僧乞已差教誡人上座應答從某甲比丘受若僧無所差人有能說法者應答往某比丘邊受若復無者應答此無差教誡人又無能說法者汝等莫放逸諸比丘尼明日應來問乞教誡比丘竟為

白僧不此比丘應傳上座語語之

有諸比丘尼共比丘自恣比丘尼欲往阿練若處就比丘自恣道中遇賊水火有命難梵行難衣鉢難又更相待替留自恣以是白佛佛言比丘尼不得共比丘自恣應別自恣從比丘僧請見聞疑罪時聚落中無比丘諸比

和九

六

丘尼往阿練若處請見聞疑罪或道遠不達或彼比丘不為和合遂不得請以是白佛佛言聽阿練若處比丘為比丘尼來聚落自恣為其和今諸比丘尼應先集眾自恣然後差比丘尼就比丘僧請見聞疑罪至已偏袒右有脫革屣遙禮僧足然後入僧中合掌曲身

白言其精舍和合比丘尼僧頂禮和合比丘僧足我等比丘尼僧和合請大德僧自恣說見聞疑罪如是三請

時諸比丘語波闍波提比丘尼言汝無和尚不成出家受具足戒彼便生疑以是白佛佛言汝受八不可越法時已是出家受具足戒

有比丘尼誘弄比丘言我是族姓禮儀備舉女工具足意欲給侍彼比丘便生染著心不復樂道遂致反俗諸比丘以是白佛佛言比丘尼不應誘弄比丘犯者突吉羅有諸比丘尼來比丘住處或露胷脅或露臍膈諸比丘見生染著心不復樂道遂致反俗諸比丘以

是白佛佛言不應尔從今不聽比丘尼入比丘住處既不得入便無教誡愚闇無知不能學戒以是白佛佛言若如法比丘尼聽入亦應喚來既喚不來佛言喚不來突吉羅時諸比丘尼不共比丘語無人教誡愚闇無知不能學戒諸比丘尼以是白佛佛言不應尔犯

和九

七

者突吉羅

時優蹉比丘尼數數犯罪比丘尼僧與作不見罪羯磨便啼哭言我愚癡僧與我作不見罪羯磨我或於中更犯塵罪願僧爲我解此羯磨諸比丘尼以是白佛佛言不應爲解羯磨應白二羯磨差一比丘尼伴之共語共同行止一比丘尼唱言阿姨僧聽今差某甲比丘尼伴優蹉比丘尼共語共同行止若僧時到僧忍聽白如是阿姨僧聽今差某甲比丘尼伴優蹉比丘尼共語共同行止誰諸阿姨忍默然不忍者說僧已差某甲比丘尼伴優蹉比丘尼竟僧忍默然故是事如是持

有比丘尼月水出汗脚及衣入聚落乞食諸白衣見譏呵佛言若比丘尼月水出時不聽入聚落乞食聽聚糧亦聽弟子并爲乞若無弟子聽者月水衣乞食有諸貴姓女出家不著覆肩衣諸白衣見其肩臂共調弄之皆懷慚耻諸比丘尼以是白佛佛言聽著覆肩衣

時諸比丘尼弟子學二歲戒不合意便與受具足戒佛言不應尔犯者突吉羅從今聽合和尚阿闍梨意乃爲集十衆至受戒處將欲受戒又著眼見耳不聞處和尚應爲求羯磨師及教誡師得已羯磨師應羯磨教誡師令出外教唱言阿姨僧聽某甲求某甲受具足

戒某甲作教誡師若僧時到僧忍聽白如是彼教師應行初法先問和尚此欲受具足戒人學二歲戒日滿不衣鉢具不若言不具應語令具若言具復應問爲是已有爲是借若言借應語借主捨與然後乃往欲受戒人所語言汝莫恐怖須臾當著汝於高勝處若無

不聞悉應小披衣觀看無遮受戒法不問言何者是汝僧伽梨優多羅僧安陀會覆肩衣水浴衣彼若不識應語令識次與受衣鉢如比丘中說復應語言汝某甲聽今是實語時我今問汝若有當言有若無當言無女人有如是病癩病白癩病乾癆病顛狂病癰疽漏

和九

病脂出病如是等重病汝有不負債不非他婦不夫主聽不不屬官不非婢不是人不是女人不女根具足不汝非黃門不非石女不非二道合不月水出不不常出不學二歲戒日滿不已求和尚求父母聽不欲受具足戒不如我今問後僧中亦當如是問汝汝亦

當如是答彼教誡師應還僧中立白言我已問竟羯磨師應白僧言阿姨僧聽某甲求某甲受具足戒某甲已問竟今聽將來若僧時到僧忍聽白如是教師應往將來教禮僧足禮已將至羯磨師前教胡跪合掌向羯磨師從僧乞受具足戒教言我某甲求某甲和尚

受具足戒今從僧乞受具足戒和尚某甲僧濟拔我憐愍故如是三乞教師然後還復至羯磨師應白僧阿姨僧聽此某甲求某甲受具足戒彼從僧乞受具足戒和尚某甲我今於僧中問其諸難事若僧時到僧忍聽白如是應語言汝聽今實語時我今問汝若有便

言有若無便言無乃至欲受戒不皆如上問如上問已羯磨師後應唱言阿姨僧聽此某甲求某甲受具足戒彼從僧乞受具足戒自說無諸難事學二歲戒滿五衣鉢具已求和尚父母已聽欲受具足戒僧今與某甲受具足戒和尚某甲若僧時到僧忍聽白如是阿

和九

姨僧聽某甲求某甲受具足戒乃至和尚某甲誰諸阿姨忍默然不忍者說如是第二第三說僧已與某甲受具足戒和尚某甲竟僧忍默然故是事如是持

彼和尚阿闍梨復應集十比丘尼僧將受戒人往比丘僧中在比丘羯磨師前小遠兩膝

著地乞受具足戒羯磨師應教言我某甲求某甲和尚受具足戒已於一眾中受具足戒竟清淨無諸難事已學二歲戒滿衣鉢具足已求和尚父母已聽不犯麁惡罪欲受具足戒今從僧乞受具足戒和尚某甲僧濟拔我憐愍故如是三乞

三乞已羯磨師應白大德僧聽此某甲求某甲受具足戒已於一眾中受具足戒竟清淨無諸難事已學二歲戒滿先所應作已作衣鉢具足已求和尚父母已聽不犯麤惡罪欲受具足戒今從僧乞受具足戒和尚某甲僧今與某甲受具足戒和尚某甲若僧時到僧

忍聽白如是大德僧聽此某甲求某甲受具足戒乃至僧今與某甲受具足戒和尚某甲誰諸長老忍默然不忍者說如是第二第三說僧已與某甲受具足戒和尚某甲竟僧忍默然故是事如是持

復應語言某甲聽如來應供等正覺說八波羅夷法若比丘尼犯此一一法非比丘尼非釋種女一切不得婬乃至以漆著心看他男子若比丘尼行婬法乃至畜生非比丘尼非釋種女是中盡形壽不應犯若能持當言能一切不得偷盜乃至草葉若比丘尼若聚落若空地他所守護物盜五錢若過五錢非比

丘尼非釋種女是中盡壽不得犯若能持當言能

一切不得殺生乃至蟻子若比丘尼若人若似人自手斷命持刀授與教人殺教死讚死非比丘尼非釋種女是中盡壽不應犯若能持當言能

和九

十

一切不得妄語乃至戲笑若比丘尼自無過人法若言有諸禪解脫三昧正受若道若果非比丘尼非釋種女是中盡壽不應犯若能持當言能

一切不得親近男子若比丘尼欲盛變心摩觸男子身眼已下膝已上若男子作如此摩觸亦不得受若案若拍若舉若下若捉若牽非比丘尼非釋種女是中盡壽不應犯若能持當言能

近具是八事非比丘尼非釋種女是中盡壽不應犯若能持當言能

一切不得隨順非法比丘語若比丘尼知和合比丘僧如法舉比丘而隨順此比丘諸比丘尼語言殊妹此比丘為和合比丘僧如法舉汝莫隨順如是諫堅持不捨應第二第三

諫第二第三諫捨是事善不捨者非比丘尼非釋種女是中盡壽不應犯若能持當言能一切不應覆藏他麤惡罪若比丘尼知他比丘尼犯波羅夷罪彼後時若罷道若死若遠行若被舉若根變語諸比丘尼作如是語我先知是比丘尼犯波羅夷罪不白僧不向人

和九

十一

說非比丘尼非釋種女是中盡壽不應犯若能持當言能

諸佛世尊善能說喻示現事猶如針鼻破不復任針用猶如人死終不能以此身更生猶如多羅樹心斷不生不長猶如石破不可還合若比丘尼於此八法犯一一法還得比丘

尼無有是處

復應語言汝某甲聽如來應供等正覺說是八不可越法汝盡形壽不應越比丘尼半月應從比丘眾乞教誡人比丘尼不應於無比丘處夏安居比丘尼自恣時應從比丘眾請三事見聞疑罪式又摩那學二歲戒已應在

二部僧中受具足戒比丘尼不得罵比丘不得於白衣家說比丘破威儀破戒破見比丘尼不應舉比丘罪比丘得呵比丘尼比丘尼犯麤惡罪應在二部僧中十月行摩那埵半月行摩那埵已應各二十僧中求出罪比丘尼雖先受戒百歲故應禮拜起迎新受戒比

丘復應語言汝某甲聽如來應供等正覺說是四依法盡壽依是出家受具足戒依糞掃衣出家受具足戒若能當言能若得長衣劫具衣欽婆羅衣俱捨耶衣葛摩衣葛彌衣婆舍那衣阿呵那衣瞿茶伽衣麻衣應受依乞食出家受具足戒若能當言能若得長食僧

食前食後食請食應受

依鹿弊卧具出家受具足戒若能當言能若長得菴屋大小房圓屋應受

依下賤藥出家受具足戒若能當言能若長得酥油蜜石蜜應受

復應語言某甲聽汝已白四羯磨受具足戒

竟羯磨如法諸天龍鬼神輒聞婆常作是願

我等何時當得人身出家受具足戒汝今已

得如人得受王位汝今受比丘尼法亦如是

汝當忍易共語易受教戒當學三戒滅三火

出三界成阿羅漢果餘所不知者和尚阿闍

梨當為汝說

和九

十二

時有一姪女名半迦尸於正法律出家欲往

阿練若住處受具足戒諸賊聞之欲逆道伺

取彼女人亦聞不敢去諸比丘尼以是白佛

佛言聽白四羯磨遙為受具足戒彼和尚阿

闍梨先為集十比丘尼僧與受戒竟置受戒

人著一處將十比丘尼僧往阿練若處皆禮

比丘僧足羯磨師為從僧乞戒言大德僧聽

某甲求某甲受具足戒已於一眾中受具足

戒竟清淨無諸難事已學二歲戒滿先所應

作已作衣鉢具足已求和尚父母聽許不犯

麤惡罪欲受具足戒今從僧乞受具足戒和

尚某甲願僧濟拔之憐愍故如是三乞比丘

羯磨師應以其乞辭如上白四羯磨已和尚

阿闍梨將十比丘尼僧還至本受戒處將受

戒人令禮僧足在羯磨師前胡跪合掌羯磨

師為說僧所作白四羯磨令聽已然後如上

具說八隨法四譬喻八不可越法四依法乃

至餘所不知者和尚阿闍梨當為汝說有諸

比丘尼著光色衣以為飾好諸白衣譏呵此

比丘尼似姪女欲求男子諸比丘尼以是白

佛佛言不應尔犯者突吉羅有諸比丘尼盡

眼佛言不應尔犯者突吉羅有諸比丘尼患

眼須盡佛言病者聽盡有諸比丘尼在比丘

前行佛言不應尔犯者突吉羅有諸比丘尼

和九

和九

十三

遙見比丘來便住不敢前去妨乞食佛言若
 去遠者聽在前行有諸比丘尼在比丘前臭
 氣唾地佛言不應尔犯者突吉羅有諸比丘
 尼伽跌坐月水出汗脚跟人見譏呵又有一
 比丘尼加跌坐蟻娘垂入女根中以此致病
 白佛佛言一切比丘尼皆應累坐若加跌坐
 應互伸一脚犯者突吉羅有居士欲與比丘
 尼貿易住處諸比丘尼不敢佛言聽與貿易
 有諸比丘尼如刺繡法張衣刺佛言不應尔
 若衣捲縮聽安基有諸比丘尼於住處處
 大小便佛言不應尔犯者突吉羅應作廁諸
 比丘尼深作廁坑落胎著中除糞人見譏呵
 言此輩常讚歎離欲欲想欲熱而行其事恐
 人知落胎廁中何不罷道受五欲樂諸比丘
 尼以是白佛佛言不應深作廁坑極深聽捲
 手一肘小作口有諸比丘尼以鉢及囊盛胎
 晨朝棄之時波斯匿王邊境有事遣軍征之
 有信樂佛法者作是念我今當先與出家人

食然後乃行即遣信覓遇見彼比丘尼請還
 施食比丘尼言汝並前去我隨後往信苦請
 之強將俱還出鉢下食見小兒胎便種種譏
 呵言此等常說慈愍護念衆生而今親自殺
 兒無沙門行破沙門法諸比丘尼以是白諸
 比丘諸比丘以是白佛佛言若比丘尼乞食
 時見比丘應出鉢示諸比丘尼便都出鉢傾
 側示之以妨乞食佛言但粗示令知其空有
 比丘尼產一男兒不知云何以是白佛佛言
 聽白二羯磨差一比丘尼伴之應一比丘尼
 僧中唱言阿姨僧聽此某甲比丘尼生男兒
 今差某甲比丘尼伴之若僧時到僧忍聽白
 如是阿姨僧聽此某甲比丘尼生男兒今差
 某甲比丘尼伴之誰諸阿姨忍默然不忍者
 說僧已差某甲比丘尼伴某甲比丘尼竟僧
 忍默然故是事如是持二比丘尼捉兒生疑
 佛言無犯二比丘尼共兒眠生疑佛言亦無
 犯莊嚴見共鳴佛言不應尔聽洗浴與乳哺

和九

十四

若離懷抱應與比丘令出家若不欲令出家應與親親養令長成有諸比丘尼比丘僧請不次第往佛言不應尔應次差往有諸比丘尼入聚落不繫下衣墮地露形佛言應以腰繩繫之作腰繩太長佛言聽繞腰一匝作普繩太廣佛言極廣聽廣一指作雜色腰繩佛

言不應尔聽純一色有諸比丘尼著輕衣入聚落風吹露形佛言聽上下安鈎細帶繫之有諸貴姓女出家擎鉢乞食手擎佛言聽作絡囊盛鉢乞食掛腋下汗汗塵入佛言聽作覆鉢巾有諸比丘尼作盡道欲殺衆生佛言若作盡道欲殺衆生偷羅遮作呪術起死人

欲殺衆生亦如有諸比丘尼畜種種雜色衣諸白衣譏呵此諸比丘尼正似姪女佛言不應尔犯者突吉羅諸比丘有宿食諸比丘尼食不敢與佛言聽與無犯比丘尼宿食與比丘亦如有諸比丘至比丘尼住處無淨人授食佛言無淨人時聽比丘尼授食比丘

無犯比丘授食與比丘尼亦如有諸比丘尼作酒沽多人譏呵佛言不應尔犯者偷羅遮有諸比丘尼畜田犁牛奴自看耕種諸白衣譏呵此諸比丘尼亦自看耕田與我何異佛言不應自看應使淨人知犯者突吉羅有諸比丘尼出息多人譏呵佛言不應尔犯者

偷羅遮有諸比丘尼畜姓女坐肆賃之多人譏呵佛言不應尔犯者偷羅遮有諸比丘尼壓油賣多人譏呵佛言不應尔犯者偷羅遮有諸比丘尼躡脚戲多人譏呵佛言不應尔犯者突吉羅懸繩自掛戲亦如有諸比丘尼住處失火佛言應打捷槌若唱令集皆共

救火土坊水澆以水清衣撲滅時有衆多居士請比丘尼僧食諸比丘尼晨朝著衣持鉢到請家方相問大小日時遂過居士譏呵此諸比丘尼正似婆羅門女相問知經多少多者爲大我今設供日時已過當如之何以是白佛佛言大衆會時聽上座八人相問大小

以次坐餘人得座便坐

十五末

彌沙塞部五分律卷第二十九

和九

悲悼下音盜脞脞上音蕭乾脩二音拍苦

反疥蜣上音苦刺下音刺下音乳下音汗上音汗上音

下所居六反安下音綦又作乳下音步下音汗上音汗上音

下故反道上音躔他達坊全水澆

彌沙塞部五分律卷第三十

和十

宋劉貞三藏佛陀什共竺道生譯

第五分之九五百集法

亦時世尊泥洹未久大迦葉在毗舍離猕猴水邊重閣講堂與大比丘僧五百人俱皆是阿羅漢唯除阿難告諸比丘昔吾從波旬國

和十

茅文

向拘夷城二國中聞聞佛世尊已般泥洹我時中心迷亂不能自攝諸聚落比丘比丘尼優婆塞優婆夷或躡或踴踞轉于地莫不哀號嘆速嘆疾世間虛空世間眼滅時跋難陀先遊於彼止眾人言彼長老常言應行是不應行是應學是不應學是我等於今始脫此苦任意所為無復拘礙何為相與而共啼哭吾聞其語倍復憂毒佛雖泥洹比丘現在應同勗勉共結集之勿令跋難陀等別立眷屬以破正法諸比丘咸以為善白迦葉言阿難常侍世尊聰睿多聞具持法藏今應聽在集比丘數迦葉言阿難猶在學地或隨愛恚癡畏不應容之時阿難在毗舍離恒為四眾晝夜說法眾人來往殆若佛在有跋耆比丘於彼閣上坐禪以此鬧亂不得遊諸解脫三昧你是念阿難今於學地應有所作為無所作而常在憤鬧多有所說既入定觀見應有所作復你是念我今當為說厭離法使其因悟